



## **D. Qalorsuarsorluni unqusiniussuarsorlunilu aalisarnermi umiarsuup allattaaviinik immersuinissamut ilitsersuut - uiluinniarneq**

Immap naqqanik kiliuilluni uiluinniarnermut atatillugu Qalorsuarsorluni unqusiniussuarsorlunilu aalisarnermi umiarsuup allattaaviinut KANUAANA-mit suliarineqarsimasunut ullut tamaasa immersuisoqartassaaq.

### **Tamanut atuuttut**

Avataaniinnermi umiarsuup allattaaviinut ullut tamaasa allatuisoqartassaaq, tassa ulluni aalisarfiunngitsuni “aalisarfissamut ingerlaarneq” imaluunniit “pisassanik ujaasineq, aalisarfissaqis-sorsiorneq” umiarsuup allattaaviinut allanneqartassapput. Kalinerit pisaqarnermik kinguneqartut tamarmik allanneqassapput.

Umiarsuup allattaaviini quppernermut nutaamut tamatigut nuuttoqartassaaq aalisarneq aalisarfimmut allamut nuunneqarpat aamma, imaluunniit akuersissut alla atorlugu aalisartoqalerpat.

(Assersuutigalugu ullup unnuallu ataatsip ingerlanerani aalisarneq pisassaqarfimmit pisassaqarfimmut allamut nuunneqarpat.)

Aalisarneq ingerlanneqartillugu ullut tamaasa umiarsuup allattaaviini qupperneq ataaseq immersorneqartassaaq. Quppernermut nutaamut nuuttoqassaaq qaqitsinerit, amoornerit umiarsuup allattaaviini quppernermi titarnernut naleqqillugit amerlanerusimappata.

Umiarsuup allattaavii ungaluligaapput quppernerillu tullerriaartunik normulersugaallutik tullerinnerilu malillugit atorneqassallutik.



Paasissutissat atuaruminartuussapput nunguterneqarsinnaassana-tillu - kuglepenni atorneqassaaq. Paasissutissat eqqunngitsut allanneqarsimappata titarneq tamarmi peerneqassaaq, nutaamillu allattoqassaaq.

Naqqiinermi bilikki ("Tipp-Ex") imaluunniit alla ersigunnaar-sitsisartoq atorneqassanngilaq. Suna naqqinneqarsimanersoq taku-neqarsinnaasariaqarpoq.

## 1. Qulequtaq

Ulluni aalisarfiusuni tamani umiarsuup allattaaviini qupperneq ataaseq ullormut allattuiffigineqassaaq.

Umiarsuup allattaaviini qulequtaq umiarsuup allattaaviini oqaati-gineqartutut immersorneqassaaq, immikkut ittumik malugi-niarneqassaaq, "angalanermi" pineqarmat umiarsualivimmit useqa-rani avalanneq tamakkiisumillu usingiarnissaq siunertaqaralugu umiarsualivisseqqinneq.

Aammattaq "**Qalorsuit atorneqartut**" ataanni taaneqassapput kiliutit sorliit atorneqarnersut, FAO-mi naalisaaneq DRB atorlugu.

Immersugassami immikkoortumi "**Nigartat amerlassusii**"-ni taaneqassaaq "kiliutit sinaakkutaata" portussusia cm-inngorlugu aamma immersugassami immikkoortumi "**Nigartaqqortussutsit**"-ni taaneqassaaq "kiliutit sinaakkutaata" portussusia cm-inngorlugu kiisalu "**Nigartaqqortussutsit**"-ni nigartaqqortussuseq (nigartaq siaarlugu) mm-inngorlugu taaneqassaaq. Kiliutit assigiinngitsut arlaqartut atorneqarpata tamakku "qalorsuit nr." 2-p imaluunniit 3-p ataani taaneqassapput.



Imartaq aalisarfigineqartoq assersuutigalugu NAFO-p aqutsiviatut aalisarfigineqartut taaneqassaaq, Nakkutilliineq pillugu naalunaarut takuuk. Aalisarsinnaanermut akuersissummut taamalu pisassaqarfimmut allamut nuuttoqarpat aamma umiarsuup allattaaviini quppernermut nutaamut allamut nuuttoqassaaq.

## **2. Aalisarnermi sumiiffik pisallu**

### **2.1 Kalinnerit amerlassusii sumiiffillu**

Uiluinniarluni kiliuinermi kalinnerit arlaliusarmata sivikitsua-raannaasarlutillu, kalinnerit amerlassusii immersugassami “kalin-nerup nr.”-ata saniani “qalorsuit nr.”-anni taaneqarsinnaapput.

Aalisarnerup aallartinneqarnerani naammassineqarneranilu piffis-saq, aalisarnerup aallartinneqarnerani naammassineqarneranilu su-miiffittut taaneqassapput. Aammattaaq aalisarfiup itissusia meterinngorlugu taaneqassaaq.

Aalisarnermi sumiiffiit aamma Pinngortitaleriffiup ilisarnaasiussai immap aalisarfiusup assinganiittut naapertorlugit taaneqarsin-naapput.

### **2.2 Pisat**

Pisat ilivitsuullutik oqimaassusiat quppernermi ammukartumi ator-neqanngitsumi taaneqassaaq. Uluinnut FAO-p ISC-mut naalisaa-nera ator-neqassaaq. Aamma saniatigut pisarineqarunnartut ammu-kartunut allaffissiamut allanneqassapput. Pineqartut allassimasunut allaaneruppata, tamakku qallerlugit titarneqarsinnaapput pineqar-torlu titakkat qulaanni allanneqarluni.

Ullormut pisat immersuiffissami immikkoortumi “Pisassaqarfimmi ullormut pisat”-ni katinneqarsinnaapput, matumani taakku nas-suarneqarsinnaallutik, pisassaqarfittut soorlu ATTU, AQAJA-



RUA, NUUK imaluunniit Tunngaviusumik killeqarfiup AVA-TAANI.

Angallatip naalagaata tamatigut umiarsuup allattaaviini quppernerit tamaasa atsiortassavai.

### **2.3 Miluumasunik imarmiunik pisat**

Miluumasunik imarmiunik pisat ajoraluartumik piniutinit pisarineqartut taamatuttaaq umiarsuup allattaaviini nalunaarsorneqassapput. Pisat oqaaseqaatinik allaffissiami allanneqassapput aamma matumani taaneqassapput uumasut miluumasut sorliit pineqarnerisut kiisalu suaassusiat ukiuilu, taakku paasineqarsinnaappata. Tamatuma saniatigut qaqitsinerup/kivisitsinerup normuani sorlermi miluumasoq imarmioq pisarineqarsimanersoq taaneqassaaq. Oqaaseqaatinut immersuiffissiami inissaqartitsisoqanngippat qaqitsinerup pineqartup ataani titarnerit atorneqarsinnaapput.

### **2.4 Misiligitissanik tigusineq**

Akuersissummi/ukiumut pisassani taaneqartut uiluiit nerpii misiliutissat tiguneqarpata tamatigut umiarsuup allattaaviini ullup pineqarup eqqortup nalaani, ataani allanneqassapput. Tamakku oqaaseqaatinut immersuiffissiami imaluunniit pisanut tunngatillugu immersuiffissiami titarnerit atorneqanngitsut ilaanni allanneqarsinnaapput. Assersuutigalugu allanneqarsinnaavoq: “Misiligitissat 600 grammit Scantox-imukartut tiguneqarput”.

### **2.5 Umiarsuup allattaaviini quppernerik nassiussineq**

Umiarsuup allattaaviini quppernerit qaqqortut sungaartullu uunga nassiunneqassapput:

Kalaallit Nunaanni Aalisarsinnaanermut Akuersissutininik  
Nakkutilliisoqarfik, Postboks 501, 3900 Nuuk



kingusinnerpaamik usingiaanerup kingorna nalunaaquttap akunerisa 24-it qanngiunneranni.

Umiarsuup allattaaviini qupperneq aappaluttoq angallammiitinneqartuartaassaaq. Nuutinnera tungujortoq umiarsuaatilinnut nassiunneqarsinnaavoq.

Umiarsuup allattaaviini quppernerit, kukkulluni allattuinerup il.il. kinguneranik atorsinnaajunnaarsitaasut aamma KANUAANA-mut nassiunneqassapput, taamaalilluni umiarsuup allattaaviini quppernerit normuisa tulleriiaarnerat allanngortinneqaaqqunagu. Umiarsuup allattaaviini qupperneq atortussaajunnaarsinneqassaaq naqinnernik angisuunik qaavatigut “ATORUNNAARPOQ” -mik allaffigineqarneratigut.

**Ilanngussaq 1:** Piniutitut assigiinngitsunut FAO-mi naalisaanerit.

**Ilanngussaq 2:** Nunanut/Naalagaaffinnut ISO-mi naalisaanerit

**Ilanngussaq 3:** Aalisakkanut assigiinngitsunut FAO-mi naalisaanerit

**Ilanngussaq 4:** Kilisaatit/uiluinniutit umiarsuup allattaaviinik immersuisarnissaannik assersuut.

**Ilanngussaq 5:** Uiluinniutit umiarsuup allattaaviinik immersuisarnissaannik assersuut.

**Ilanngussaq 6:** Umiarsuup allattaaviini quppernermik “ATORUNNAARSITSINEQ”-mik assersuut.